

Ilanngussaq 1**Qinngornerit ioninngortitsisartut pillugit aamma qinngornernut illersuuteqarnissaq pillugu Inatsisartut Inatsisaannut nr. xx ulloq xx. xx 20xx-imeersumut siunnersuummut oqaaseqaatit****Tusarniaanermi akissuteqaatigineqartut pillugit allakkiaq**

Tusarniaanermi akissuteqaatigineqartut pillugit allakkiamut ilaapput piffissap tusarniaaffiusup ingerlanerani 26. maaji 2015-imit 30. juuni 2015-imut Peqqissutsimut Naalackersuisoqarfimmit akissuteqaatit tiguneqartut.

Tusarniaaffigineqartoq	Tusarniaanermut akissuteqaat	Naalackersuisoqarfiup tusarniaanermut akissuteqaatigineqartumut oqaaseqaatai
Kalaallit Nunaanni Uumasunut Nakorsaqaarfik Inuussutissalerinermullu Oqartussaaffik	Uumasunut Nakorsaqaarfiup Inuussutissalerinermullu Oqartussaaffiup sammisamut tunngatillugu inatsit qujaruppa. UNIO nassiunneqartumut oqaaseqaateqanngilaq.	
Pinngortitamut, Avatangiisinut Inatsisinillu Atuutsitsinermut Naalackersuisoqarfik	Pinngortitamut, Avatangiisinut Inatsisinillu Atuutsitsinermut Naalackersuisoqarfiup (PAIAN) Qinngornerit ioninngortitsisartut pillugit aamma qinngornernut illersuuteqarnissaq pillugu Inatsisartut Inatsisaannut siunnersuummut tusarniaaneq tiguaat. Tusarniaanermut akissuteqarnissamut kingusinnerpaamik piffissarititaasoq tassaavoq 30. juuni 2015. PAIAN tusarniaassuteqarnermut qujavoq matumuunalu ilisimatitsissutigisinnaallugu, tassa inatsisissatut siunnersuut matuma siuliani taaneqartoq maanngaanniit oqaaseqaateqarnissamut pisariaqartitsilinngimmat.	
Ilaqutariinnermut, Naligiissitaanermut	Naligiissitaanermut Isumaginninnermullu	

<p>Isumaginninnermullu Naalackersuisoqarfik</p>	<p>Naalackersuisoqarfik inatsisissatut siunnersuummut tusarniaassutigineqarluni nassiunneqartumut oqaaseqaatissaqanngilaq.</p>	
<p>Nunatsinni Nakorsaaneqarfik</p>	<p>Nunatsinni Nakorsaaneqarfiup Qinngornerit ioninngortitsisartut pillugit aamma qinngornernut illersuuteqarnissaq pillugu Inatsisartut Inatsisaannut siunnersuummut tusarniaaneq tiguaat. Nunatsinni Nakorsaaneqarfimmit sammisamut tunngatillugu inatsiseqarnikkut killiliussaqalernissaa assut pitsaasutut isigaat.</p> <p>Nunatsinni Nakorsaaneqarfiup eqqarsarnartoqartippaa Peqqissutsimut Naalackersuisoqarfiup oqartussaasutut nakkutilliisuutinneqarnissaa, tassa peqqinnissaqarfik, naalackersuisoqarfimmit oqartussaaffigineqartoq, sammisamut tunngatillugu malunnaateqarluartumik ilaammat.</p>	<p>Naalackersuisoqarfimmit naatsorsuutigineqarpoq SIS-imik (Statens Institut for Strålebeskyttelse) nakkutilliinermut tunngasumik suleqatigiinnissamut isumaqatigiissusiornissaq.</p>
<p>Ineqarnermut, Sanaartornermut Attaveqarnermullu Naalackersuisoqarfik</p>	<p>Ineqarnermut, Sanaartornermut Attaveqarnermullu Naalackersuisoqarfik tusarniaanermut pineqartumut oqaaseqaatissaqanngilaq.</p>	
<p>KANUKOKA</p>	<p>KANUKOKA kommuninit oqaaseqaatinik tigusaqarsimanngilaq.</p> <p>Oqaaseqaatit:</p> <p>Inatsisissatut siunnersuut aqqutigalugu siunnerfiuvoq pisariaqartunik naammattunillu killiliussassaqaarnissaa, qinngornernik atuisarnerni sunnertittarnernilu, piffissami</p>	

	<p>matumani Kalaallit Nunaanni inatsiseqanngimmat aammalu allaffissornikkut aaqqissuussineqarani, taamaattunik suliaqarnissanut. Naalackersuisut ilutigisaanik inatsisissatut siunnersuummik saqqummiussaqaarsimapput nioqqutissanik eqqussuisarneq annissuisarnerlu pillugit, tamatumuuna ilaatigut timmisartortitseqatigiiffiit ilaasuinut tunngasumik paasissutissanik elektroniskiusunik paasissutissinneqartarnissamut aqutissiuissusamik, kiisalu akileraaruserisut nakkutilliinerannut inunnillu nakkutilliinermut atatillugu assilillugit timaasa scannemeqartarnerannut tunngatillugu. Tamatuma pisariaqalersippaa Inatsisartut inatsisiliornissaat, ilaatigut tarrarsuinermi (qinnguartaanermi) atugassamik, ilaatigut timip scannerneqartarneranut tunngatillugu.</p> <p>KANUKOKA-p tapersersorpaa pingaarnertut inuit, uumasut avatangiisillu qinngornernut ulorianaatilinnut illersorneqarnissaannik siunertaqarneq. Toqqissisimanarpoq inatsisissatut siunnersuummi aalajangersagaqarmat ajutoornernut ajunaarnernullu illersuinermik aqutsisunik, soorluttaaq nakkutilliinermut tunngasunik piumasaqaateqartoq.</p>	
<p>Sullivinnik Nakkutilliisoqarfik</p>	<p>Aallaqqaasiutitut Sullivinnik Nakkutilliisoqarfiup oqaaseqaatigaa malugisimalluni</p>	

	<p>Inatsisartut Inatsisaanni siunertarineqartoq sulisut Kalaallit Nunaanni sulinermi avatangiisit pillugit inatsimmi ilaatinneqartut inatsimmut ilaatinneqannginnissaat. Taamaattumik erseqqissumik paatsuugassaanngitsumillu tamanna inatsimmi aamma oqaaseqaatini ersersinneqartariaqarpoq Inatsisartut Inatsisaanni taamaallaat avataani uuliasiornermi sulisut pineqarnerat.</p> <p>Eqqorpoq inatsisissamut siunnersuummut oqaaseqaatini qupp. 6-imi (kalaallisut allanneqarnerani) Sullivinnik Nakkutilliisoqarfimmit Kalaallit Nunaanni aatsitassanut oqartussaasut suleqatigineqarmata, tassa aatsitassanut ingerlatsinernut tunngatillugu. Kisianni suleqatigiinnermi ilaatinneqanngillat – oqaaseqaatini allanneqarsimasutut – avataani uuliasiornermut ingerlatsinerit, tamanna Kalaallit Nunaannit 2009-mi tiguneqarpoq Namminersorluni Inatsimmut aamma aatsitassanut inatsimmut nutaamut atatillugu.</p> <p>Inatsisissatut siunnersuummi § 15-imi aalajangersarneqarpoq pisussaatisineq, tassa uuttortaanernik suliaqartunik aamma nalunaarsuinerмик maleruaqqusanik suliaqarnissamut, sulisut qinngornernik qanoq annertugisumik sunnerneqarnerannut tunngatillugu.</p>	<p>Tamanna inatsimmut oqaaseqaatini ersersinneqareerpoq, inatsimmi ilaatinneqanngitsut sulisut Kalaallit Nunaanni sulinermi avatangiisit pillugit inatsimmut ilaatinneqartut, kisianni erseqqissaqqinniarlugu misilinneqarpoq.</p> <p>Naalackersuisoqarfik Danmarkimi sullivinnik nakkutilliisoqarfimmit (Arbejdstilsynet i Danmark) ilisimatinneqarpoq Sullivinnik Nakkutilliisoqarfiup ullumikkut aatsitassarsiornerup iluani imaani uuliasiornermi sulisunik nakkutiginninneq namminneq ingerlakkitsik.</p> <p>§ 15-imi oqaasertat oqaasiliorneqarput inunnut ataatsimut isiginnilluni aamma imaanngitsoq sulisunut toqqaannartumik tunngatillugu. Inatsisissatut siunnersuummi § 1, imm. 4-mi nunami sulisut ilaatinneqanngillat, akerlianik aatsitassarsiornermi sulisut akuersissutit aamma akuerineqarnerit aqqutigalugit malittarisassaliunneqarput, tassa Aatsitassat pillugit ingerlatallu</p>
--	---	--

	<p>Ilisimatitsissutigineqassaaq Sullivinnik Nakkutilliisoqarfiup nalunaarummik suliaqarnialernera, tassa sulinerup nalaani qinngornernut ioninngortitsisartunut illersorneqarnissamat tunngasumik. Tamanna ingerlanneqarpoq Kalaallit Nunaata ILO-mi isumaqatigiisummik 115-imik, sulisartunik qinngornernut ioninngortitsisartunut illersuinerup tunngasumut, akuersissuteqarnissamat kissaatigisaqarnera tunngavigalugu.</p> <p>Nalunaarummut siunnersuut Kalaallit Nunaanni Suliffigissaaneq pillugu siunnersuisooqatigiinnut tusarniaassutigineqareerpat Naalakkersuisunut saqqummiunneqassaaq, isumaqatigiissunik 6-inik ataatsimoortumik akuersissutiginninnissamat immikkoortut ilaattut.</p> <p>Nalunaarummut ilaatigut aammattaaq ilaassapput annertussutsinik nakkutilliinerup</p>	<p>tamatununga pingaarutillit pillugit inatsisartut inatsisaat aqutigalugu (Aatsitassanut Ikummatissanullu Inatsit), tak. inatsimmi § 1, imm. 5.</p> <p>Innuttaasut, napparsimasut aamma avataani uuliasiornermi suliffissuarni sulisut, aatsitassarsiornerup avataaniittut, qinngortinnissamik navianartorsiornermut illersorneqarnerat, inatsimmi matumani ilaatinneqassaaq.</p> <p>Inatsisissatut siunnersuut manna ilaatigut suliarineqarpoq Kalaallit Nunaata isumaqatigiissutinik 6-inik akuersissuteqarnissaa siunertaralugu tamatumunnga ilanngullugu ILO-mi isumaqatigiissut normu 115.</p>
--	--	--

	<p>aamma nalunaarneqarnissamut piumasaqaatit, kiisalu tamakku uuttuisarnermut sullissiviit akuerisaasut ingerlatissagaat.</p> <p>Sullivinnik Nakkutilliisoqarfik oqaloqatigiinnermut peqataarusuppoq uuttuisarnermut sullissinerit akuerisaasut, annertussutsimik nakkutilliinermik aamma sulisunik nalunaarsuineramik suliaqarnermik ingerlatsisut, taakku ingerlatsinerat sullivinni avatangiisit pillugit inatsit tunngavigalugu aallartinneqarsimasut qanoq inatsisissamut siunnersuummi § 15-imut ilanngunneqarsinnaanerannut / ataatsimoortinneqarsinnaanerannut tunngatillugu.</p>	<p>Peqqissutsimut Naalackersuisoqarfiup Sullivinnik Nakkutilliisoqarfimmik ataatsimeeqatiginninnissani qilanaarivaa, tamatumuuna siunertaralugu sullivinni avatangiisit pillugit inatsit qanoq iliornikkut § 15-imut ataatsimoortinneqarsinnaanerata oqaloqatigiissutigineqarnissaa. Inatsit manna killiliussatut inatsisitut suliarineqarpoq, aamma siunissami nalunaarutitigut suliarineqartussatigut erseqqissaatit il. il. saqqummiunneqassapput.</p>
<p>SUNDHEDS- og ÆLDREMINISTERIET (<i>Peqqinnissamut aamma utoqqarnut ministereqarfik</i>)</p>	<p>Qinngornerit pillugit Kalaallit Nunaata inatsisissamisut siunnersuutaanut oqaaseqaatit</p> <p>Tunngaviusut</p> <p>Peqqinnissamut tunngasut tamakkerlugit taamanikkut Kalaallit Nunaanni Namminersornerullutik Oqartussanit tiguneqarput 1. januaari 2009. Taamaattumillu aammattaaq qinngornernut illersorneqarnissaq Kalaallit Nunaata oqartussaaffigilerpaa, Radioaktivitetimut inatsit aamma Røntgenimut inatsit Kalaallit Nunaannut atuuttussanngortinneqanngilaq Peqqinnissamut tunngasut tiguneqarnerannut atatillugu aamma kingusinnerusukkut qinngornernut illersorneqarnissamut</p>	<p>Inatsisissatut siunnersuummut oqaaseqaatini nalinginnaasuni tamanna ersersinneqarpoq. Kalaallit Nunaat taamaallaat sammisat Danmarkimi Sundhedsministeriap ataaniittut piffissami pineqartumi tigusiffiusup nalaani kisiisa tiguai.</p>

	<p>tunngatillugu inatsimmik pilersitsisoqarnani.</p> <p>Qinngornerit pillugit Kalaallit Nunaata inatsisissamisut siunnersuutaanut oqaaseqaatit</p> <p>Sundheds- og Ældreministeriet (<i>Peqqinnissamut aamma utoqqarnut ministereqarfik</i>) ataatsimut isiginnilluni nalilerpaa qinngornernut sammisamut tunngatillugu malittarisassiuussinermi pingasoqiusanngortitsilluni toqqaaneq ajornakusoortoq aamma pisariusoq, kisianni Kalaallit Nunaannut ajornartuunngitsaq, sammisamut tunngatillugu nammineq “best practise – pitsaanerpaamik angusaqarnissaq” siunertamik eqqortitsisinnaanermut, tamatumunnga ilanngullugit isumannaallisaanermi nalinginnaasunut, soorlu IAEA-p Safety Fundamentals (<i>tunngaviusumik isumannaallisaanermut iliuusissat</i>), General Safety Requirements (<i>ataatsimut isiginnilluni isumannaallisaanermut piumasaqaatit</i>) aamma Specific Safety Guides (<i>immikkoortunik isumannaallisaanissamut ilitersuutit</i>).</p> <p>Oqaaseqaatit nalinginnaasut:</p> <p>Namminersorlutik Oqartussat qinngornernik illersuinissamut tunngasuni oqartussaaffiitut ilaapput Kalaallit Nunaanni innuttaasunik, napparsimasunik aamma avatangiisinik qinngornernut illersuinissaq, kisianni sulinermut atatinnagu.</p>	<p>Onshore (nunami sulisut) Kalaallit Nunaanni sulinermi avatangiisit pillugit inatsimmut ilaatinneqarput aamma taamaattumik sammisaaq suli tiguneqanngilaq, akerlianilli avataani uuliasiornermi sulisut, aatsitassarsiornerup iluani</p>
--	--	--

	<p>Taamaalilluni inatsisissatut siunnersuummi saqqummiunneqartumi sulisut Kalaallit Nunaanni sullivimmi avatangiisit pillugit inatsimmut ilaatinneqartut, taamatuttaaq § 1, imm. 4-mi erserpoq aatsitassarsiorluni ingerlatsinerni aamma aatsitassanut tunngasunik allanik ingerlatsinerit ilaatinneqanngitsut, taakku Aatsitassat pillugit ingerlatallu tamatumunnga pingaarutillit pillugit inatsisartut inatsisaanni ilaatinneqarmata (Aatsitassanut Ikummatissanullu Inatsit).</p> <p>Inatsimmik aqqissuussineq taaneqartoq tunngavigalugu taamaattumik pisariaqassaaq inatsisini allani qinngornernut illersorneqarnissamat tunngasunik maleruaqqusaliortoqarnissaa, taakku Aatsitassanut Ikummatissanullu Ingerlatsivimmit aamma Danmarkimi Beskæftigelsesministeriamit suliarineqassapput.</p> <p>Danmarkimi suliarineqarput qinngornernut illersuinerlut tunngatillugu maleruaqqusat tamarmiusut nutarterneqarnissaat, uunga: Rådets direktiv 2013/59/Euratom af 5. december 2013 (<i>Siunnersuisooqatigit malitassiaat 2013/59/Euratom 5. decembari 2013-imeersoq</i>) atatillugu, tassani pineqarput tunngaviusumik isumannaallisaanermut nalinginnaasut navianartunut illersuutissat qinngornernik ioninngortitsisartunik sunnerneqarnermut atatillugu.</p>	<p>sulisorineqartut akuersissutit aamma akuerineqarnerit malillugit tassa Aatsitassanut Ikummatissanullu Inatsit tunngavigalugu malittarisassaliuunneqassapput. Akuersissutini aamma akuerineqarnerni taakkunani qinngornernut illersorneqarnissamat inatsimmi matumani piumasaqaatinit suli sukannernerusunik piumasaqaateqartoqarsinnaavoq. Inatsimmi matumani tamatumunnga tunngatillugu minnerpaaffissatut nalinginnaasumik maleruagassat eqqortinneqartussat aalajangersarneqarput. Tamanna inatsimmut oqaaseqaatini erseqqissaavigalugu misilinneqarpoq.</p> <p>Imaani uuliasiornermi suliffissuarni sulisut aatsitassarsiornermi sammisat avataaniittut, inatsimmi matumani ilaatinneqassapput.</p> <p>Ataatsimut isigalugu qinngornernut illersuineq Peqqissutsimut Naalackersuisoqarfiup akisussaassuseqarfianut atavoq. Taamaattumik inatsimmi matumani sammisani maleruaqqusat nalinginnaasut malittarisassiuunneqarput, imaangippat sammisaaq immikkut ilaatinneqanngitsooq imaluunniit soorlu assersuutigalugu suli tiguneqarsimanani.</p> <p>Inatsisissatut siunnersuutip qulakkiissavaa innuttaasut tamarmik ilaatinneqarnissaat, tassa</p>
--	--	--

	<p>Suliaq kingusinnerpaamik 6. februaari 2018 naammassineqareersimassaaq, aamma tassunga ilaatinneqarput inatsisit marluk kiisalu nalunaarutit 22-t. Kalaallit Nunaanni inatsisissatut siunnersuut danskit qinngornerit pillugit inatsisissaannut nutaamut assingulluinnarpoq, taanna ukiup affaa qaangiuttoq saqqummiunneqarpoq. Danskit qinngornernut tunngatillugu illersorneqarnissamut inatsisissaata suliarineqarnerani maannangaq aaqqiissutissat assiginngitsut saqqummereerput, taakku kingunerisaannik aamma siumut takorloorneqarsinnaasumik kingunerissavaat siunnersuutip annikitsumik allanngortinneqarnissaa, tassa ukiup affaa matuma siornatigut saqqummiunneqartup.</p> <p>Sundheds- og Ældreministeriet <i>(Peqqinnissamut aamma utoqqarnut ministereqarfik)</i> ilisimanngilaa maannakkorpiaq Kalaallit Nunaanni qinngornernik ioninngortitsisartunik atuinerup annertussusiata killiffia qanoq innersoq. Ataatsimut isiginnilluni suliatigut sammisami ilisimasat tunngavigalugit taamaattoq naatsorsuutigisariaqarpoq napparsimaveqarfimmi qinngornernik ioninngortitsisartunik atuinerup saniatigut, imaassorinarpoq annertunngitsumik atuisoqartoq soorlu aalisakkanik suliffissuarni, imaani uuliasiornermi aamma sanaartornerup iluani. Taamaattorli piviusumik Kalaallit Nunaanni pissutsinik</p>	<p>mianerisassanut aamma iliuusissanut qinngornernik ioninngortitsisartunik sunnertinnermut atatillugu.</p> <p>Inatsit manna killiussatut inatsisitut suliarineqarpoq, taanna nalunaarutit aqutigalugit suliareqqinneqassaaq. Peqqissutsimut Naalakkersuisoqarfimmit Danmarkimi inatsisinik suliaqarneq malinnaaffigineqarniarpoq, aamma qulakkeerneqassaaq assigiissaarineq Kalaallit Nunaanni pissutsit mianeralugit.</p> <p>Qinngornernik eqqortinnissamut illersorneqarnissamut tunngatillugu nalunaarutitik suliaqarnermut ilutigitillugu inatsisissatut siunnersuummut matumunnga allannguutissatut siunnersuutitik saqqummiussisoqartassaaq, tassa tamatuma pisariaqassusianut naapertuuttunik.</p> <p>Tamanna oqaaseqaatini erseqqissaavigalugu misilinneqarpoq. Taamatuttaaq soorlu assersuutigalugu ilisimatusarnermik tunngaveqartumik ilisimasassarsiornermut atatillugu qinngornernik ioninngortitsisartunik annikitsuinnarmik atuinissaq</p>
--	--	--

	<p>ilisimasaqannginneq tunngavigalugu ajornakusoorpoq imaaliallaanaq nalilersussallugu, siunnersuummi paragrafit qassit – Kalaallit Nunaanni oqartussaaffeqarfiit agguataarneqarsimaneri tunngavigalugit – qinngornerit pillugit inatsimmit peerneqassanersut, paarlattuanillu maleruaqqusaliani allani naleqquttuni ilanngunneqassanersut. Oqartussaassuseqarfiit agguataarneqarnissaattut eqqarsaatit tunngavigalugit Sundheds- og Ældreministeriet (<i>Peqqinnissamut aamma utoqqarnut ministereqarfik</i>) isumaqarpoq inatsisit ataasiakkaat erseqqissarneqartariaqartut, tassa ilaatinneqartut erseqqilluinnassapput aammattaaq Peqqissutsimut Naalackersuisoqarfimmu periarfissaliinerit suut tunniunneqarnersut maleruaqqusat attuumassuteqartut suliarineqarnissaannut. Maleruaqqusani ataatsimoortuni erseqqissumik ersersinneqartariaqarput inatsisinut allanut tunngatillugu killiliussat soorpiarnerat.</p> <p>Sundheds- og Ældreministeriet (<i>Peqqinnissamut aamma utoqqarnut ministereqarfik</i>) assersuutitut taasinnaavai erseqqissumik erseqqissaanissaq inatsimmit sorlermit aatsitassarsiornermut atatillugu innuttaasut qinngornernut illersorneqarnissaannik malittarisassiunneqarnersut. Erseqqissaatigineqartariaqarpoq innuttaasut aatsitassarsiorfiup eqqaani najugaqartut aamma</p>	<p>naatsorsuutigineqartariaqarpoq.</p> <p>Taamaammat inatsimmut siunertaasoq tassaavoq ataatsimoortumik matussusiinera aamma taamaattumik qinngornernik ioninngortitsisartunik atuinernut aamma sunniuteqartitsinernut tamanut atorsinnaasunngorlugu, imaangippat pineqartoq aalajangersimasoq inatsimmi ilanngunneqassanngitsutut immikkut pineqarsimanngippat imaluunniit tiguneqarsimanngippat, tak. Inatsimmi § 1, imm. 4 aamma imm. 5. Taamaaliornikkut qulakkeerneqassaaq pineqartoq sunaluunniit qinngornernut illersorneqarnissamut tunngasoq malittarisassaliunneqarsimanissaa.</p> <p>Inatsisissatut siunnersuummi matumani qinngornernik illersuinissaq tamanut atuutsinneqarpoq, aamma taamatuttaaq peqqinnissaqarfiup napparsimavii aamma kigutileriffii, imaani suliffissuit aammattaaq soorlu assersuutigalugu ilisimatusarneq tunngavigalugu ilisimasassarsiornerit innuttaasunik aamma napparsimasunik illersuinissamut tunngatillugu. Tamanna imatut paasineqassaaq inatsimmi matumani malittarisassaliunneqarput qinngornernut illersuinissamut, annertussutsinik nakkutilliinernut, annertussutsinik killeqartitsinernut, uuttuisarnernut sullissinernut, nakkutilliinernut il. il. tunngasut tamarmik.</p> <p>Killiliussatut inatsisissatut siunnersuummut matumunnga tunngatillugu</p>
--	---	--

	<p>angalasut maleruaqqusanit sorlernit illersorneqarnersut. Taamatuttaaq unamminartutut isigineqarpoq aalajangissallugu maleruaqqusat sorliit atuutissanersut aamma akuersissutit sorliit pigineqassanersut, soorlu assersuutigalugu suliffeqarfiup sanaartornermi atortunik aqqusinniornermi sananeqaatinik radioaktivusunik atuissatillugu. Taamaalilluni unamminartoqarsinnaavoq aalajangersaavigissallugu aatsitassarsiorfissap tungaanut aqqusinniornermi qinngornernut illersuinissamat akisussaaffeqarnejq sumut killeqarnersaq, kiisalu tamatuma kingorna aatsitassarsiorfiusup iluani tamatuma assinganik suliaqarnermi akisussaaffigisap agguataarneqarnissaa.</p>	<p>piumasaqaataasimavoq, qanoq killiussaqaarnissat sukumiinerusumik erseqqissaatigineqarnissaat nalunaarutinik suliarineqartussanik suliaqarnermut atatillugu.</p> <p>Oqartussaassuseqarfinnut allanut killigitinneqartunut assersuutitut taaneqarsinnaasutut eqqarsaatigineqarsinnaavoq mittarfinni qinnguartaasarneq, tassani qinnguartaanermik suliaqartoq (sulisoq) Kalaallit Nunaanni sulinermi avatangiisit pillugit inatsimmut ilaatinneqarpoq; innuttaasoq, qinngornernik sunnerneqartoq qinngornerit pillugit inatsimmut matumunnga ilaatinneqarpoq.</p> <p>Taamatuttaaq atuuppoq røntgenimik atuneq soorlu assersuutigalugu napparsimavinni, nakorsaq qinnguartaasartoq Kalaallit Nunaanni sulinermi avatangiisit pillugit inatsimmut ilaatinneqarpoq, massa napparsimasoq qinngornernik sunnerneqartoq qinngornerit pillugit inatsimmut matumunnga ilaatinneqarluni.</p> <p>Naalackersuisoqarfimmit eqqumaffigineqarpoq aatsitassarsiornermut tunngatillugu immikkut ajornartorsiuteqartoq, tamannalu pillugu peqataasut oqaloqatigineqassapput, ilaatigut siunissami nalunaarutinik suliaqarnissamat atatillugu, tassa nalunaarutinut suliarineqartussanut atatillugu.</p> <p>Naatsorsuutigineqarpoq Aatsitassanut Ikummatissanulli</p>
--	--	---

	<p>Inatsisissatut siunnersuummi aalajangersakkanut ataasiakkaanut oqaaseqaatit:</p> <p>§ 1, imm. 2 aamma 3-mut Sundheds- og Ældreministeriet (<i>Peqqinnissamut aamma utoqqarnut ministereqarfik</i>) maluginiarpaa Kalaallit Nunaanni nunap sannaanut tunngatillugu radonimik peqarnera sunniuteqartussatut naatsorsuutigineqartariaqartoq. Ajornartorsiut maleruaqqusaliani pingasuni tamatumunnga naleqquttuni ilaatinneqartariaqarpoq.</p> <p>§ 1, imm. 4: Pisariaqarpoq maleruaqqusat assigiinngitsut akornanni killiliussat aalajangersarneqarnissaat aamma aaqqissuunnissaat. Oqaaseqatigiit “..tamatumunnga pingaarutillit” aallannortittariaqarpoq imatut “tamatumunnga</p>	<p>Inatsimmi aatsitassarsiornermi ingerlatat pingaarutillit ilaatinneqartut, tamatumunnga ilaallutik aqquinniornerit aamma eqqakkanik suujunnaarsitsinerit il. il. piviusumik aatsitassarsiornermik ingerlatsinermut atatillugu.</p> <p>Tamanna § 1, imm. 3-mi sillimaffigineqarpoq.</p> <p>“tamatumunnga pingaarutillit” taanna Aatsitassanut ikummatissanullu Inatsisip qulequtaata ilagivaa. Oqaaseqatigiit § 1, imm. 4-miittut taamaattumik allannortinneqarsinnaanngillat.</p>
--	--	---

	<p>attuumassuteqartut” imaluunniit assingusumik erseqqinnerusumik oqaaseqatigiinnik.</p> <p>§ 8-mut: Paragrafimi pineqarput, tak. inatsimmi pineqartut, taamaallaat innuttaasunik aamma napparsimasunik siunertaqanngitsumik qinngortittoqarsinnaanera, tassa qinngornernut illersuineq assingusooq sulisunut tunngasup inatsit alla malissammasuk. Taamaattumik pisariaqassagunarpoq ingerlatsinissamut akuersissummik pigisaqarnissaq atortumut ataatsimut oqartussaasunit arlaqartunit, tamatumunnga ilutigitillugu ilaatigut Peqqissutsimut Naalackersuisoqarfimmit (napparsimasunut aamma innuttaasunik inunnut tunngatillugu). Sullivinnik Nakkutilliisoqarfik sulisunut tunngatillugu, tulliatullu Aatsitassanut Ikummatissanullu Pisortaqarfik aatsitassarsiornermut tunngatillugu.</p> <p>§ 10-mut: Inatsimmi taamaallaat ilaatinneqarmata pissutsit innuttaasuni inuit aamma napparsimasut, taava apeqqutaavoq paragrafi taanna sumut killeqassanersoq. Minnerpaamik maleruaqqusani assingusuni paragrafi assingusooq ilanngunneqartariaqarpoq, tassani siunertaalluni sulisut illersorneqarnissaat.</p>	<p>Naalackersuisoqarfimmit eqqumaffigineqarpoq aatsitassarsiornermut tunngatillugu immikkut ajornartorsiuteqartoq, tamannalu pillugu peqataasut oqaloqatigineqassapput tamannalu pillugu ataatsimiinnissamut aggersaasoqassaaq.</p> <p>Inatsimmi aammattaaq pineqarput avataani uuliasiornermi (offshore) suliffissuaqarfinni sulisuusunik, aatsitassarsiornermut tunngasut avataaniittunik, qinngornernut ioninngortitsisartunut tunngasut, aammattaaq soorlu assersuutigalugit ilisimatusarnermik tunngaveqartumik ilisimasassarsiornerit aamma namminersortut inuussutissarsiummik ingerlatsisut. Nunami sulisut danskit oqartussaassuseqarfigaat, aamma tassani malittarisassiuunneqassapput. Naalackersuisoqarfiup taamatutaaq Danmarkimi Arbejdstilsynip ajornartorsiutit eqqumaffigaat aamma tamanna pillugu ataatsimiinnissaq isumaqatigiissutigineqarpoq.</p> <p>Oqaaseqatigiit §§ 11-mi aamma 12-imiittut allanngortinneqarput.</p> <p>Ilisimatusarnermik tunngaveqarlutik ilisimasassarsiornerit aammattaaq namminersortut inuussutissarsiummik ingerlatsisut tamatuma kingorna taamatutaaq §§ 11-mi aamma § 12-imi oqaaseqatigiinni</p>
--	--	---

	<p>§§ 11-mut aamma 12-imut: Paragrafit sulisunut taamaallaat tunngatinneqarput, paasinninneq tunngavigalugu inatsisissatut siunnersuummut matumunnga ilaatinneqanngitsut.</p> <p>§ 15, imm. 1-imut: Oqaaseq “inuit” taarserneqartariaqarpoq uuminnga “innuttaasut”. Maleruaqqusat assingusut atuutilersinneqartariaqarput sulisunut tunngasunik maleruaqqusani attuumassuteqartuni.</p> <p>§ 15, imm. 3-mut: Annertussutsinik nakkutilliineq aalajangersakkami tassani sulisunut attuumassuteqarmat aalajangersagaq taanna peerneqartariaqarpoq paarlattuanillu inatsimmut allamut ilanngullugu.</p> <p>§ 21-mut: Malugineqarpoq nakkutilliineq, aalajangersagaq manna malillugu pineqartoq, tassaaginnartoq qinngornernik atuineri napparsimasut aamma inuit innuttaasut akornanni illersorneqarnissaat. Aatsitassanut</p>	<p>ilaatinneqassapput. Taamaattorli aammattaq avataani uuliasiornermi suliffissuarni sulisunik sulisorineqartunik ioninngortitsisartunik qinngortinneq §§ 11-mi aamma 12-imi ilaatinneqarput.</p> <p>Tusaatissatut tiguneqarpoq.</p> <p>Tamatuma kingorna § 15, imm. 3 allanngortinneqarpoq maanakkullu oqaaseqatigiinni ataatsimoortumik inuit tamarmik pineqarput, tak. § 15, imm. 1.</p> <p>Qinngornernik ioninngortitsisartunik avataani uuliasiornermi suliffissuarni (offshore) sulisunik sulisorineqartunik, aatsitassarsiornerup avataaniittunik, qinngortitsinerit taaneqareersutut</p>
--	---	--

	<p>Ikummatissanullu Pisorta qarfimmi aamma Sullivinnik Nakkutilliiso qarfimmi aalajangersakkat ajornartorsiummut matumunnga naleqqiussilluni tullu artumik suliarineqartariaqarput.</p> <p>§ 24-mut: Inatsimmi taamaallaat innuttaasut akornanni inuit aamma napparsimasut pineqarmata, taava Peqqissutsimut Naalakkersuiso qarfiup suliaasaat assinganik annikillipput. Taamaattumik Aatsitassanut Ikummatissanullu Pisorta qarfiup aamma Sullivinni Nakkutilliiso qarfiup maleruaqqusatut suliarisaannik pimasaaqatit assingi ilanngunneqartariaqarput.</p> <p>“Inatsisissatut siunnersuummut oqaaseqaatinut” oqaaseqaatit: Oqaaseqaatinut oqaaseqaatit taamaallaat ilanngunneqarput inatsisissatut siunnersuutip imarisarpiaanut oqaaseqaatini matuma siulianiittumi ilaasimanngippata.</p> <p>Oqaaseqaatit nalinginnaasut: Qupperneq 3-mi, titarnertaat sisamaanni erserpoq, tassa ”... pisariaqarpoq inatsisissatut siunnersuummik saqqummiussinissaq qinngorneq ioninngortitsisartoq pillugu peqqinnissaqarfiup røntgenimik napparsimavinni kigutilerivinnilu atuisarnerannut atatillugu.” Sammisaaq taamaattoq qinngornerit ioninngortitsisartut pillugit inatsimmi napparsimaviit aamma kigutileriffiit pineqartillugit, nakorsaanermi røntgenimik atuinermut tunngaannarnani</p>	<p>ilaatinneqartussaapput. matuma</p> <p>Tamanna eqqarsaatigineqassaaq inatsimmik suliaqarnerup nanginneqarneranut atatillugu nalunaarutininik suliaqalernermi.</p> <p>Peqqissutsimut</p>
--	---	--

	<p>annertunerusariaqarpoq.</p> <p>Imarisaata nassuiaatigineqarnera, tassunga ilanngullugu nalunaarutit attuumassuteqartut, qinngornernut inatsisissap inaarutaasup imarisaanut naleqqussarneqartariaqarput. Tamatumunnga ilanngullugit isummerfigineqartariaqarput nalunaarutit suliarineqarsinnaajunnartuni inatsimmut ilaatinneqanngitsunik aalajangersaasussani, soorlu assersuutigalugit ilaatinneqannginnissamut aamma atuilernissamut qaffasissutsit aalajangersarneqarnissaat.</p> <p>Kalaallit Nunaanni qinngornernut illersuinissamut danskinit ikiorneqarnissamut isumaqatigiissutaasusaaq Danmarkimi Sundheds- og Ældreministeriet (<i>Peqqinnissamut aamma utoqqarnut ministereqarfik</i>) aamma Kalaallit Nunaanni Peqqissutsimut Naalackersuisoqarfiup akornanni isumaqatigiissutigineqassaaq.</p> <p>Sullivinnik Nakkutilliisoqarfiup aamma Sundhedsstyrelsenip akornanni isumaqatigiissummi atuuttumi taamaallaat ilaatinneqarput qinngornernik ioninngortitsisartunik atuinermi sulinermi pissutsinut attuumassuteqartut. Isumaqatigiissut assingusoq Kalaallit Nunaannut tunngasoq Sundhedsstyrelsenip aamma Sullivinnik Nakkutilliisoqarfiup akornanni isumaqatigiissutaasariaqassaaq.</p> <p>Taamaattumik suleqatigiinneq</p>	<p>Naalackersuisoqarfiup Danmarkimi Sundheds- og Ældreministeriet (<i>Peqqinnissamut aamma utoqqarnut ministereqarfik</i>) atassuteqarfigissavaa suleqatigiinnissamut isumaqatigiissuteqarnissaq siunertaralugu.</p> <p>Kalaallit Nunaanni nunami sulinermi avatangiisit tiguneqarsimanngilaq aamma taamaattumik danskitt oqartussaassuseqarfigaat. Danmarkimi Arbejdstilsynip tamanna eqqumaffigaa.</p> <p>Ileqquuvoq inatsisissatut siunnersuummik saqqummiussisoqartillugu siunnersuummut tunngatillugu aningaasatigut tamatuma qanoq kinguneqarnissaata missingerneqartarnera.</p>
--	---	--

	<p>oqaaseqaatinik nassuiaassutigineqartoq annertuneruvoq allaanerussalluni Sundhedsstyrelsenip aamma Sullivinnik Nakkutilliisoqarfiup akornanni isumaqatigiisummit innersuussutigineqartumit. Isumaqatigiissut suli isumaqatigiissutigineqanngimmat aningsaat killiuliussatut taaneqartut aalajangersarneqanngillat, taamaattumik aningaasanik killiliussaasinnaasunik eqqoriaaneq inatsisissamut oqaaseqaatini ersersinneqarnissaat pisariaqanngilaq.</p>	